

重修犍爲縣志序

邑之有志匪徒備紀載識姓名而已也必將立其標華樹厥風聲俾都人士觀而摩之咸登君子之域而免於不肖之歸蒞斯土者亦因以察民情之好惡審土俗之淳漓考山川疆域之夷險廣狹以爲布政之權輿志之所關大矣哉犍邑爲蜀中望縣人文鼎盛曩者燬於兵火舊志一綫僅存前邑大尹顏謬學博吳之彥紳士李士廉諸君子續其墜緒後邑人亳州刺史余念峯先生增定成書今

上龍飛之三年余承乏茲土取邑乘而披覽之條分縷析義例精嚴較之他邑獨爲可觀然亦聞有脫誤尚俟補訂者且

自雍正乙巳迄今廿有餘年其間人物之興起政令財賦之損益及今闕而弗書將來歲月荏苒傳聞殆半考徵無從是誰之咎余視事以來卽思補輯而任劇才疎魚魚鹿鹿未得盈願丙寅春辱受

### 大憲之知

題陞涪陵牧候 部覆允卽當買舟東下恐益匆促不獲完茲盛事則抱恨將無窮焉幸李子峩峩自都中歸急以編摩囑之峩峩亦慨然引爲己任不憚勞瘁日與余子在三廣搜博採參考互訂四閱月而書告成闕者補之舛者正之有條有理不蔓不支而其用心則歸於磨世礪鈍訓俗

型方俾人人皆知學問而各淑其性情故於士習民風尤三致意焉夫而後余數年來有志未逮者乃快然無遺恨矣余之初蒞健邑也峩峩與在三同爲邑諸生以吾一日長執弟子禮甚恭在三每試輒冠軍而峩峩則由選貢登甲子順天賢書敦品篤學立心爲己絕無外慕吾之滅明也邑有賢俊長吏與有榮施焉吾旣幸斯役得成於臨去之時復喜斯編得出自峩峩之手行且壽之梨棗傳之奕禩立標準而樹風聲其有裨於吏治人心豈小補哉因不辭固陋而爲之序

大清乾隆十一年歲在丙寅孟秋上浣之吉

賜進士出身健爲縣知縣紀錄十一次覃懷宋錦東郊氏書於

靜遠堂



重修健爲縣誌序

誌者記也如同史之記事也誌者志也能起發人之志氣也賢人君子之行思孝廉節之事吾愛之傳之咨嗟而咏歎之以求其必至卽方隅曲謹本無可取而善善從長亦掛簡編使中材之人有所冀倖而不終於自棄歸於使人之發其志而已矣夫人於富厚之鄉利達之場投閒抵隙不肯稍讓至於砥行礪節奮發有爲之事則相視畏縮而不敢自任曰吾謙也嗟乎於彼不謙而於此獨謙乎哉乾隆丙寅春余自京師歸省適邑侯覃懷

宋公報最當陞緬茲邑乘多所闕漏久欲修補而鞅掌賢勞

苦無暇日乃以筆墨事屬拔及余子才余自分謏劣何敢當此重任顧又念修舉廢墜振起頑懦司牧之責也余不敢借箸而籌之若夫簪筆摛詞揚鑣樹準學者之事也余小子何敢讓焉爰取先曾大父暨先達諸君子之所編定而補續之每終一篇皆籌躇滿志發奮起舞覘山川則峻嶺名江甲於中土意必有魁閎鬱塞之才特起其閒以爲山川生色者乎考古蹟則伯溫子雲歸然相望高山景仰幾欲起古人而晤對於千載之上覩建設之盛賦役之多謂此帝王治世之業也經紀敷錫支收出納一能吏事耳循良經濟不在於是觀風俗則平衡盱論獎進維挽欲取

古君子磨世礪俗之方面障堤之表節烈則貞淑之節然可想相彼巾幗義烈如斯况我髮眉何可不勉讀前定之傳則慈父神君不乏歌頌鼓賢哲之生則端人正士亦有典型然竊謂士君子立身行道聖賢爲師時地不同抱負亦異有志者宜各自樹立以宏遠謨區區町畦未足相限至於紀載之文聲韻之作聖人教人亦所不廢然文以明道詩以言志誇多闕靡非其願焉嗟乎古人之志以誌傳之今人之志以誌發之乃發之而不能爲之則是山不鍾靈而水不毓秀也則是名賢芳躅僅堪一遇而莫敢繼武也雖有空言無裨風俗智且出巾幗下矣豈作志之本

心也哉學者得是編而讀之隨其所見以自感發志之所  
至氣必至焉使德業聞望卓然可傳後之人必有執筆而  
特書之者拔不敏願隨諸君子後共勉之而已言之不足  
並序以辭

其辭曰博考故實廣摭舊聞按部就班序次無紊抑黜虛  
妄表章幽隱後有作者視此序文述重修周禮辨方星土

居先煌煌井鬼實昭對天入參二度其次維健天官所著

率循罔愆述分野堂設皇哉於鍊鍵江風嶺崔嵬龍池汪

洋濱浮玉巖桂擁金闕述秀狀媚萬古光芒述山川健地

名區自古維梁育述郡郡由漢改縣自唐

歷代因之終焉允臧述沿革第四 仙境名都哲人所居子雲艱

深伯溫容與埋輪慷慨陳情欵歎緬厥高踪顧不偉歟述古

蹟第五 畫井開先步畝繼起爾稼爾穡我疆我理共樂輸將

無勞微比執簿呼名一吏足矣述田賦第六 相彼樂郊莫如健

土百穀繁熟穰穰稼圃布帛繭絲鹽泉赤酒孝養有資蒸

界妣祖述土產第七 碁置星羅部署嚴森高廠能容洞開如心

城郭供衛津梁傳禁告厥成功壇祀居歆述建設第八 維王馭

世剖符分爵設之令長勤求民莫丞尉奔走師儒秉鐸階

級雖異職守則約述職官第九 自古在昔漢多循吏唐宋而還

接踵聯翼桐鄉遐思中牟紀異俎豆馨香千秋吳屬述名官第

十 漢代尊經文翁化蜀夫子宮墻萬仞亭毒多士彬彬斯

文郁郁繼軌循轍誰與其屬述學校第十一賢科拔雋珊網宏張

健在西南蔚然炳烺蛟騰鳳騫雲靄高躡物以人重匪名

是光述科第十二峩峩峯毓秀錦水吐靈濟濟英賢命世克生瓊

瑋俶儻為國之楨宜濟其美不愧其名述人物第十三正氣獨鍾

健江之姝姍姍弱質昂昂丈夫有死無二烈士為徒揚摧

芳芬不其懿乎述節烈第十四採風健邑未盡善也民強以悍士

陋且野易漓而樸易俚而雅礧確陶鈞責在儒者述風俗第十五

筮仕之彥桑梓之英各摘鳳藻共吐元精百家騰躍六藝

簧笙匪矜富麗先立其誠述藝文第十六稗官所紀外史所錄雜

組叢談兼收竝蓄山嵐靈好奇坡公善說厝厝小言大道之

藥述外紀第十七鱗次簡編寄語後賢典型不遠模範在首事業

彪炳科第蟬聯有志竟成無自惕焉述屬第第十八終焉

乾隆十一年丙寅歲立秋後二日邑人李桂樹峩峩氏書於

鍾雅堂



重修牯爲縣志序

兩儀定位星野區分經啓九州奠安民物  
而彼此今昔土俗更別於其間所以綜覽  
叅稽爲隨方致理之用者惟載筆是賴粵  
自禹益疏山海旁蒐荒外詭變而禹貢一  
書專詳山川疆域田賦土宜孟堅祖之因  
志地理志之名自此始爰是代緝全輿通  
及分羅郡縣幽探博採不可勝數若蜀之

有記昉唐鄭暉繼則宋趙抃爲成都古今  
記王剛中續之據實分門極稱詳備昌昌  
明復爲嘉州志而西南備邊之作則郡人  
鄧嘉猷因蠻擾犍爲取秦漢迄宋所載邊  
事著於篇嗣後邑自成編該列諸體奈兵  
燹劫餘安成顏侯第拾其殘零爲之聯綴  
義例條類猶憾舛缺里中文獻余君念其  
爲傳久計尋討增補惟有歷年其成者

卷攷犍之伊始漢元光五年唐蒙南通夜  
郎聽約置郡建武十二年吳漢破公孫述  
將于魚涪津遂圍武陽又破其救兵因入  
犍爲界馮智舒質實以今叙州府地當之  
又云東漢徙郡治武陽而以武陽爲今之  
眉州然沿革不常江山自若由隋以名縣  
地有漢水沉犀攬古者可以跡其處而稽  
風物覘治化蓋自文翁立學以造士尹政



受經而延教遂使蠶叢魚鳧幾媿齊魯矧  
今盛治翔洽靡間幽遐子雲文紀之儔不且  
接踵應運乎念峰植品績學汲古羅奇獨  
鍾川岳靈秀先君子牧嘉時常於青山綠  
水公餘賦咏下歎嘉而深愛之茲以漣水  
烹鮮甫抒所抱因出其規方經國之寓於  
邑乘者嗇俸而授諸剗劂旣成郵視京邸  
并索弁言予故通家素好稔其志行又覲

少

勝今以此志覺春漲秋芳流清漱玉之宛

在旣可以當少文臥遊而義例精嚴條類

晰密於通變修舉之際尤三致意焉卽藝

文之補苴固已治豈僅如張開之志峨峩

考圖說詳刻附以詩文敷吟勝槩而已哉

予公之德念峰之隨方致理者舉而措之

宣猷布化奠九州贊兩儀裕如也然則此

志雖局直以爲追踪孟堅更佐績禹貢也  
可貴

雍正乙巳孟秋望日

賜進士第

日講官起居注翰林院檢討鄰治年通家眷世

弟桐城張廷珩拜書



重修隄爲縣誌序


隄爲縣誌者誌隄爲之山川土田吏治人物以及民風物  
產無事不宜詳且悉也隄之由郡改縣前人之述備矣自  
有明末造流寇屠毒土著之民存什一於千百縉紳黎獻  
靡有孑遺城市非舊圖籍沉灰尚安問乎其爲邑誌也者  
聖祖仁皇帝臨御之二十四年詔直省郡縣各纂誌書以獻時  
邑宰顏公諮同學博吳君之彥紳士李君士廉輩廣爲採  
採全書終不可得僅拾斷簡殘編增定成帙觀者不能無  
闕略之歎越今又將四紀矣計此數十年中世際  
昇平生聚教訓人文日起土地日辟較之曩時迥然大異獨

此邑誌竟聽其闕略焉是亦士林之咎也余自計偕而後  
屢欲請於當事緣三赴禮闈數年京洛鹿鹿未遑也歲辛  
丑明府何公靜齋出宰吾犍期月之間政修民信披閱邑  
乘慨然念其闕略銳意重修猥以編輯之任委余余自慚  
謏陋又屬桑梓何堪任此繼復竊自惟邑誌與國史不侔  
國史善惡備書予奪關乎賞罰應推才識兼優之士邑誌  
則有美無刺寧詳毋略而山川風景非身歷者不能道矧  
余夙抱此志何敢以不文辭爰受而卒業焉甫脫稿余適  
有謁選之行隨以副本質之明府謬蒙許可又以梨棗之  
便併屬予携置行篋旣而受事漣東民依在念苦無寧日

度歲以來竊喜雨暘時若麥秋告成循例停忙乃得檢篋  
中誌稿付之剗劂亥豕之訛皆自公餘手校其於舊本增  
者十常四五至學校藝文二誌則槩從補輯然皆虛公採  
掇不參一毫私見凡以傳信也若夫孝義節烈邇年不乏  
其人則俟邑人壬出其公好陳於當事陸續登載以維風  
而砥俗焉是役也不敢避自用之嫌恐蹈築室於道旁耳  
嗟夫形勝依然鍾靈詎異生斯土者覽誌而景企前徽爭  
相鼓勵後先接踵洳此土者覽誌而考疆域之廣狹風俗  
之淳薄田土之高下以斟酌而興除俾後之人泛而指數  
之曰某也通儒某也良吏則後之視今未必不如今之視

昔也用綴數言以紀其事云昔

大清雍正三年乙巳歲夏五月天中節後五日邑人余光祖念  
峰書於淮北之安東署中



重修縣志姓氏

健之有志傳聞創自有明中葉作者姓名不可復識矣自  
是以後板凡三易遠紹旁搜皆有微勞倘缺而不書將來  
閱世滋深亦與創始者同其湮沒良可歎也揭其姓名列  
之簡首欲使後之君子繼長增高相望不絕共垂盛事焉  
耳 李拔謹識

國朝重修姓氏

傳聞明崇禎十三年邑令胡學戴邑人李杺  
重修今無考僅將 國朝重修姓名開載於  
後

第一次重修

康熙二十五年

裁定

嘉定州健為縣知縣顏 諮 江西安福人舉人

纂修

健為縣備學子訓導吳之彥 本省達州人歲貢

縣學廩膳生員李士廉 字清聞 杠之子

第二次重修 雍正三年

監修

嘉定州健為縣知縣何源溥 字靜齋奉天廣寧人監生

纂修

江南亳州知州余光祖 字孫遜號念峯邑人進士

第三次重修 乾隆十一年

裁定

嘉定府健為縣知縣宋 錦 字在中號竹軒一號東郊河南武陟縣人進士

纂修

甲子科順天鄉試舉人李 拔 字九崖號峩峩峯士廉曾孫拔貢

分修

縣學廩膳生員余 才 字在三 光祖姪

續學製錄 卷之六  
長版三

分錄

軍中條例天陳為舉人李  
壯士舉會為官

禁罰

縣志拾遺  
縣志拾遺

雜寶

第三次重修凡例

一 縣志拾遺原遺之條例補遺志者志載山川人物間有脫漏今得古本紀載加詳仍應續入以成全譜

一 志必徵實方可信今而傳後舊志所載如邑侯何公源溥修櫺星門建邵子祠龍角池書院皆空存其文而無其實想當日建議未果非故作虛詞也今應削去以符傳信之旨

一 古人軼事得傳為歡雖荒碑殘碣猶當留之以示後人援承斯役皆與余子才廣搜博採苟有一得皆所不棄其實無可取者亦不敢概登貽議濫觴

一風俗淳漓係于人心而崇獎維持責在儒者舊志所載風俗一篇皆尋常措撫無關興除今平心盱論添補十條瑕瑜不掩欲使採風者開卷瞭然其相推挽以成善俗

一前人論著皆有特見隻語單詞有存無廢其新近增入者必分注姓氏蓋不敢以管窺之見竊附于古人也

一健邑科目之盛城內一隅與十鄉埒前明如趙邦孫李等累世簪纓最稱望族皆住城內而舊志亦分載某鄉人者蓋古者取士於鄉之意又或祖宗邱墓田地之所在也今仍分注以昭畫一

一士君子處為正士出為名臣士足以鳴

國家之盛下足以增桑梓之光關係甚重健邑沐浴教澤百年於茲人物頗多而載者寥寥難

朝廷之祀典未可常邀而草野之公論不容盡泯今考其德行最著者虛衷採錄以附其後既不敢贈狗梓里濫列中材亦不肯褒美失真貽譏大雅

一舊志所載藝文一冊義例未符如杜撫董鈞張船父子等傳皆應列於藝文而列於雜著選舉考應列於雜著而列於藝文今悉加改正以成完善之書

一志書之作所以備外史也上而

廊廟之政事下而鄉曲之常談皆得備書舊志無外紀一條今

應增入以資考鏡

一 隄邑仙釋可傳者少既未可自立一傳今以附于外紀亦以示虛無之教但當存而不論云

一 古寺荒碑漫漶已久雖摩挲拂拭終有不可卒讀者謹依夏五郭公之義闕疑以俟考徵終不忍以銖寸之朽棄連抱之材也

邑人李拔峩峩謹識

物爲縣誌

第二次重修凡例

一 誌貴徵實凡山川形勝悉從舊誌不敢粉飾

一 建設沿革興廢相仍自應古今備載以便考識

一 名墓先哲遺蛻所藏不可湮沒今爲增入

一 學宮祀典儀物規例必須備錄徐俟興復舊誌止將學宮載入建設今增學校一誌庶爲詳備

一 舊誌載名宦自漢訖明竝無入祀年代又另立附質一條於義無取今將名將良牧均入名宦而於已從祀者則載入學宮祀典裁去附質一條庶爲合體



一舊誌將名宦科貢俱載入人物而於鄉賢外亦有附質一條殊爲未合今將科貢薦舉例椽俱入選舉志而名宦另立一傳人物則止載名哲隱逸孝友耆英從廣輿例也其俊秀援例吏員考職未登仕版者不入依舊誌也

一列女節婦自當另立一傳但查定例婦女年三十以上守節者不與旌表又云蓋棺論定今謹依舊誌所載登錄若近代果有合例者則俟士民公舉縣學考核不致攙入已私也

一犍邑由郡改縣凡所載名宦鄉賢有見於他處者應以沿革不常無妨重出也

一田糧戶口前代則照舊誌全載而現在徵收則依版籍按年分陸續登記以生聚日廣土田日闢賦稅亦漸增也

一藝文舊誌竝無隻字今將近年採輯及時賢著作次第登錄不嫌自用欲聚腋成裘也更望賢士大夫廣賜瑤篇以光邑乘焉

一物產風俗有同於他處者亦書從舊誌也

一條例煩簡不齊或一志而十數條或一志而數條或一志而止一條皆從其事也

一舊誌寥寥成帙過于率略今於舊本少加增定不敢避嫌其偶叅以管見者必書賤名或曰余按所以別舊誌也

邑人余光祖念峰識

續為縣誌目錄

卷之一

縣圖考

縣治輿圖

天文誌

星野

地里誌

沿革

疆域

形勝

山水

水利

古蹟

八景

坊表

名墓

卷之二

建設誌

公署 關驛 城池 街道 鄉甲 倉場 舖舍

津渡 橋梁 市集 寺觀 壇祠漏澤 鳳附

卷之三

秩官誌

知縣 主簿明設 今裁 教諭 訓導 鹽場大使 把總

典史 巡檢今裁 驛丞今裁 名宦傳

卷之四

學校誌

學宮 廟號 祀典 禮樂各祠 附 祭田

賓興 學館 教條 鄉飲 書籍

卷之五

選舉誌

薦辟 科目 貢選 武科

勲典 例貢 掾仕

人物誌

名哲 隱逸 孝友 耆英 節烈

卷之六

賦役誌

戶口田糧 課稅 起運 存留 歲支

物產誌

風俗誌

卷之七

藝文誌

序傳記詩

卷之八

雜著

卷之九

外紀

犍爲縣誌


卷之一

縣圖考

犍爲古郡治也或謂郡治在今之叙州府以城中石牛寺爲當日建郡遺蹟然考漢成帝綏和元年犍爲郡於水濱得古磬一十六枚其地今名犍爲壩在邑治之北七十里去叙州甚遠邑治之南十五里又有犍爲山形如伏犀昔人以犍名郡蓋象此山從建牛之義則邑治之設有自來矣按縣脉發自西域與叙州共派而臨大江東北界連樂山井研榮縣南連宜賓皆腹內地西南則接壤馬湖與諸賤隣統計疆域周遭不下三百里而賦稅不能等於大邑者以地多叢山巨箐山多田少也按圖而



# 縣治圖



犍爲縣誌

卷之一

天文誌

星野

按周禮保章氏以星土辨封域使列國歲時以察災祥故  
 二星入蜀而天使臨鉤心在四星而齊地震非明驗乎第  
 古今封域山川異制若拘拘於星纏畧度間疇能分計而  
 寸度之哉考據舊述作天文志

星野

犍爲分野居井鬼斑固以犍爲入參二度張五石岷嶺志  
 以參入魏地而犍屬井絡不知何據及稽命龜總志益州  
 入參一度而嘉定次焉犍嘉之近邑也博雅志在天一度

統地二千九百三十二里此應以際言約略詳之健亦未  
出二度者近是並存以俟

余按通鑑漢元年十月五星聚東井時高帝適還定三秦  
文獻通考云唐天寶十四載二月月蝕歲星在東井長慶  
四年三月庚午太白犯東井北轅遂入井中因犯與鬼皆  
云京師分也唐都關中京師秦分也則東井為秦分明甚  
其以東井為蜀分者僅見於晉天文志宋洪容齋已譏其  
謬亂不可據史記天官書云觜觿參益州春秋元命苞云  
觜參流為益州則健為分野自當從蜀總誌矣光祖識

地星志

沿革 疆域 形勝 山水 水利  
古蹟 八景 坊表 名墓

自神禹鑄鼎分州以別疆土遂為後世區方畫域之  
為據蜀上游接滙三江直通灑瀨故金粟擁秀玉磬浮  
由漢以來獨稱名勝作地里志

沿革

按以健名縣何所取也方輿勝覽云蜀西南有石健立如  
牛故取諸此

禹貢梁州之域商因之周職方以

梁州並雍為雍地  
周末為魏叢編據

慎觀

王五年秦惠王平蜀置蜀郡地隸蜀郡秦始皇併天下分  
天下為三十六郡地為巴郡

漢高祖元年前有蜀復置蜀郡地因之武帝元鼎二年平西

南夷置犍為牂牁越嶲沉黎汶山益州六郡按犍為二元字始此

鼎六年分廣漢置犍為郡元封元年分犍為置牂牁郡孝

武帝又兩割置犍為郡故世曰分巴割蜀以成犍廣也建

元六年置犍為郡時治營縣十二漢戶十萬營故犍為地

是也營有犍山見保乾圖元光五年以其地置犍為郡領

縣十二犍道江陽武陽南安資中符節牛鞞南廣漢陽都

鄒朱提堂琅光武帝建武以後復為郡領縣九武陽資中

牛鞞南安犍道江陽符節南廣漢安成帝中得玉磬十六

枚於水濱亦名寶磬州得玉磬處在犍為犍道舊設劉向以

為美化所致用立碑雍而士多仁孝女性貞淑蜀漢昭烈

帝武元年郡縣復舊地因之

晉武帝泰始元年因之惠帝永興元年李雄據蜀有其地

郡因之

宋齊郡縣復舊梁武帝普通七年置青州地隸之

西魏廢帝改青州為眉州地隸之後周明帝武成元年

改眉州復為青州地隸之武帝定保三年廢青州置沉

犀州隋文帝開皇三年廢沉犀州置犍為縣隸戎州

唐玄宗天寶初改嘉定為犍為縣肅宗乾元元年復改犍

為為嘉定上元元年以犍為隸嘉定

五代時王建孟知祥相繼據蜀縣因之



宋太祖乾德三年平蜀亦爲犍爲縣

元世祖中統元年置嘉定路徙犍爲縣於舊玉津縣隸嘉定路順帝至正十二年明玉珍據蜀改嘉定爲刺史府縣隸之

明太祖洪武四年討平明氏縣令夏文彬率先歸附廢刺史府爲嘉定府縣隸之七年併應寧縣入犍爲九年改嘉定府爲州縣隸之

國朝定鼎州縣因之雍正十二年陞嘉定爲府縣仍隸之

犍爲古梁州地也一統志犍爲郡西自嘉眉夾峨北自新津仁壽資簡東至內江富順南自合江而上至長寧慶符

俱爲郡地自隋開皇間始改郡置縣唐肅宗始以犍爲隸嘉定至明洪武初又改嘉定爲州而縣隸之其間歷代之升降疆域之廣狹沿革不可勝紀舉方輿於星野之後重土宇也若審形勢表山川畫城市察風俗建津梁封丘墓徵物產定賦役因併次之

### 疆域

東至榮縣界一百里

南至宜賓縣界六十里

西至屏山界七十里

北至樂山縣界九十里

東北至井研界一百里

北至省城四百六十里至

京師陸路六千一百里水路一萬餘里

余光祖曰犍爲自郡改縣遷徙不常今之邑治或自隋唐或自宋元或由此而遷彼或遷彼而復歸於此遺跡荒唐難以臆定考其幅頓有廢縣四曰玉津資觀應寧旭川應寧由洪武初併入玉津資觀旭川其歸併無所考嘗因榮邑誌其舊爲榮州應寧資觀旭川皆其屬邑資觀旭川之截入犍爲或卽在榮之改州爲縣時也疆域視昔較爲遼廓但山澗多於土田未免地廣人稀是在主治者之斟酌

而區畫之也

形勝

西列翠屏南鎮旗山漢水遶其東粟山環其北龍池蕩漾鳳嶺巍峩

山

黃旗山在縣東一里形如展旗屹豎江左拱護城郭俗呼爲大小黃旗

天馬山在縣東三里列屏江之左雙峰秀麗有驂騑騰漢之狀

文筆山在縣東十里鄧侯建塔於上

八墩山在縣東七十里綿亘迢遙八墩聳秀望之烟雲滿

目

鐵山在縣東一百里產鐵剛利諸葛武侯嘗取為兵器

龍馬山在縣南十里即孝女淑先雄栖神處

犍為山在縣南十五里形如伏犀昔人以犍名縣蓋象此

山從犍牛之義

舊云西南立石如牛故名犍為叙州府石牛寺是也未知孰是

沉犀山在縣南二十里秦李冰沉以壓水怪說者又謂見

犀牛渡江而沈此山故古有來犀鄉之名

子雲山在縣南二十里漢楊雄隱居構亭於上即劉禹錫

陋室銘所謂南陽諸葛廬西蜀子雲亭是也絕頂一池

不盈不涸理不可解邑令胡公學戴伐石題懸池二字

崖門山在縣南四十里怪石巉巖行旅不便宋開禧二年

陳文饒開鑿人得安行有宋嘉定古碑

香爐山在縣南五十里方平特立堪輿呼為蜀之捍門

翠屏山在縣西一里壁立環抱儼若列屏一名大定山宋

邵博為四川制置使僑居此山之西林木蒼鬱水潔山

明為邑奇觀緣近城市常苦樵牧明時邑人趙吏部有

伐木誰憐邵氏宅囑咐頭陀意轉傷之句蓋寄慨云今

為資聖寺

文豹山在縣西南一里蜿蜒蹲伏壯麗有文俗呼為獅子

山

牛心山在縣西十五里尖秀聳出為縣來脉

西溶三山在縣西北五十里

土細而白居民作陶咸取足焉

舞鳳山在縣北三里秀挺三峨形如飛鳳上建岱宗王母

請祠三春景媚士庶咸禱於此前墜石坊題曰舞鳳名

岡左右植梧桐取鳳非梧桐不棲之意明末燼沒殆盡

國朝邑宰劉靖寔復建如舊

掛榜山在縣江北二里平正壁立昔人號為犍江天榜

象鼻山在縣北二十里乃州郡通津邑宰管南山刻象山

古渡四字於石筆法遒勁

誥軸山在縣東三里形如誥軸

喜雨山在縣東十二里正德閒天旱知縣程麟禱雨此山

立應故名

白崖山在縣西北五里土人掘地得石刻曰嘉熙丁酉白

崖老人逃難築室處題其屋曰永安

洞子山在縣東五里許形如伏虎而翹其首者崖畔有洞

冬溫夏涼表廣可坐十人遠望峩眉壁立天表近視西

南諸山起伏萬狀亦佳境也邑人李拔幼貧困樵採此

山每挾書吟哦洞中日昃負薪以歸一日讀書忘其蚤

晚薄暮不能達借宿於道傍田家翌日乃歸

大崖山在縣北十五里懸崖百丈望之聳然

金雞崖在縣北二十五里相傳崖上有二金雞其一鑿去一猶存

大鹿山在縣北一里或曰唐縣治在今縣南十五里即今縣南之健爲山

古佛崖在縣西北十五里懸崖絕壁千佛競秀爲邑奇觀

月崖在縣南五十里沐溪之左有洞形如半月

沐溪山在縣南五十里有石如牛督學周燦過健爲詩云惟有石牛千載下每從

風雨臥寒江即謂此也

峯門山在縣西七十里與馬湖接壤

觀斗山在縣東十五里其地有寺名老人寺相傳有老人

植茶于此樹皆連抱服之者年至百歲今其樹尚有鄉

人採食名老人茶

笏簡山在縣北四十里山間突出一石端拱如笏俗呼爲

黃笏簡

金粟山在縣北五十里宋白貽田錫詩云金粟山前九月

愁即此地多產桂秋月花放芳香之氣撲人眉宇爲健

佳境士大夫每載酒往遊兵燹後荒落無餘

塔頂山在縣北七十里

飛鳳山俗名禮子崖在縣北五十里形如飛鳳俯瞰大江郭璞記云

飛鳳起黃龍直入大江中即其地也

書樓山在縣北一百里郭璞記云孔子背書樓

紅壁山

色赤峻起如壁故名

在縣北一百里與樂山接壤隱君子張

瑛之墓在焉

銅山

山產銅

在縣北一百五十里

昔魏帝殿前鐘不扣自鳴人皆異之以問茂先茂先

曰此必蜀郡銅山崩故鐘鳴應之耳尋蜀都上其事如茂先言

張綱山

以綱葬得名

在縣東北五里後漢書載綱以劾梁冀出

為廣陵太守時賊張嬰方橫綱至咸請降在郡一年卒

張嬰等五百餘人制服行喪送到犍為負土成墳今山

上有墓即其地也

明萬曆閒知縣吳道美封其墓禁樵採歲久碑字漫漶不可讀乾隆閒知

縣宋錦復表之

五龍山在縣東北七十里清流鄉

上有古刹名五聖祠拔嘗讀書於此

水

江水在犍發源於氏道之岷山經灌口至成爲一之水

新津至彭山合流與嘉之青衣沫水會抵沉犀之東一

曰錦江一曰犀水四瀆之一也

余按通志載江水自嘉州流入縣界六十里經城東又

東南六十里入敘州界水經注江水東至南安爲壁玉

津又東南至夔道寰宇記導江水自玉津縣界經犍爲

縣一百三十里入宜賓界又曰石洋津在玉津縣東十

里愆非津在犍爲縣南二十里皆渡導江水今雖稱名

非昔而舊籍所載應並存之以備考核云

李拔識

漢水在縣東北九十里

明一統志漢成帝時得古磬於水濱即漢水經行處今名健為壩

泉水在縣西北五十里

一井淳泓深不可測土人稱鍾探之數十丈終不能盡

清水溪在縣南十里源出屏山縣至孝女渡入江

四望溪在縣東北七十里發源井研縣一支由磨池舖至

古應寧舊縣合流入江

沐溪在縣南五十里源出屏山縣沐川司界即古沐源川

也唐咸通十年南詔蠻自雪坡奄至沐源川等陷健為即此下流入江

鹽井溪在縣北二十里

在淨江壩山麓明初產鹽今盡澆沒

赤硃溪在縣北二十五里

石板溪在縣北三十里

土產炭有

羅葉溪在縣北三十二里

井筒溪在縣北八十里

正德間土人掘井煎鹽忽泉皆油蒸之甚熾良以為燈經風雨不滅

但有雄黃氣故名雄黃油

油花溪在縣北九十里

接壤嘉定

大脈溪在縣北八十里

由西路通銅山

神塘溪在縣北五十里

郭璞有記

百枝溪在縣南三十里

東溪在縣東二十里

土人掘地得石上題東溪之眉孕秀懷奇偉哉丈夫文章之師寶而藏之

赫然有光視草判花與歸玉堂

葫蘆溪在縣北十二里

龍溪在縣東南六十里

龍淵沱在縣西二十五里

嘉州有詩

犀牛沱在縣南二十里

乃古沱犀處

墓頤灘在縣北五里

御史盧公僉事張公鑿石平險至今安瀾

石馬灘在縣北三十里

研上有石馬遺跡昔謫道同於此

崖門灘在縣東三十里

金鷄灘在縣北三十里

以上二灘風號險激

余按自犍為溯流嘉定五里有汶魚子五十里

士觀夏秋水盛最為奇險無金鷄墓頤二灘豈

遷徙無常抑古今地名各異即立志於此今光祖

余按金雞灘在金雞崖上數里明萬曆閒巡按吳檄修

未果今水勢改平舟行無恙墓頤灘俗名單雞濠

一水兩分

中有沙洲如蝦蟇張口之象

明巡按盧雍僉事張思齊鑿石平險郡

人御史熊相給諫安磐俱有記立于江岸其右即汶魚

子水勢更急夏秋時舟人皆登岸陸行苦無憩息之所

乾隆閒邑侯宋公錦作亭上游以惠行旅顏其額曰待

舟亭

李拔識

道士觀在鐵蛇壩上有石山截斷大江江水奮激西流中

有大漩夏秋水盛時最苦淪沒

龍泉灣在縣東十里

袤延六里曲折三灣



老鴉漩在縣東南四十里

黃瓜漕在縣北四十里

怪石衝激水勢洶湧明崇禎開邑令胡學戴鑿石平險建水神祠以

鎮之今毀  
洶險如故

李峩峩曰以上數灘均號險汎然地勢不同發時亦異

如漢魚子道士觀龍泉灣險在夏秋旱雞濠老鴉漩黃

瓜漕險在春冬今

上御極之元年于各處設立救生船分時守候多所拯濟吉凶

同患誠王政之大端也惟在承宣德意者實力而督責

之斯不患有名無實耳

南安沱在縣南十五里

水濱有石  
形如雙魚

龍角池在城西迺邑之水星也一泓清冽狀元楊升菴有

泉頭自古生龍角池上于今有鳳毛之聯蓋深有取云

源自北壇穿城入池嘉定分守喬公築臺於中建鄉賢

祠邑宰徐侯常種蓮最盛為一時人文瑞徵後改為真

武觀水道淤塞蓮遂敗邑令胡公學戴疏種復茂增植

楊柳芙蓉其上蕩漾爭妍士大夫讌集清談似晉人風

度明末甲申之後荒落無遺

壩

坦夷寬平曰壩見直音黍稷麥菽  
此中多產民生賴焉故得併書

黃旗壩在縣南一里

居兩水之中大  
水時復淹沒

景星壩在縣南十里

下壩在縣南三十里昔建下壩水驛

虎哮壩在縣南十里大江之左即舉人陳天佑一家死節處

大箏壩在縣西南三十里

望鹿壩在縣南三十里民皆植桑養蠶

賴里壩在縣南四十里

馬靴壩在縣南五十里接壤宜賓

淨江壩在縣北十五里

杏壩在縣北四十里昔黃葛壩水出怪石商賈屢經覆舟邑侯胡學戴鑿平建水神祠於此至

今舟行無恙

四方壩在縣北六十里即四望溪入江處

面壩在縣北六十五里與三峨對面故名

犍為壩在縣北九十里一名龍池壩即古玉津縣地

馬桑壩在縣北一百里民皆種桑與嘉定聯界

天池壩在縣北九十里與馬桑聯

大井壩在縣東三十里道通榮縣在山谷中地略平夷故名

瘠壩在縣東北九十里接壤井研

筒車壩在縣西南二十里農家多用桔槔引水故名

落江壩在縣西二十里

西壩在縣北六十里與四方壩對峙

水利

城南大堰一座北黃土坎鄧王大塘一口

開遠鄉舊塘五口陂塘五口舊堰二座新堰七座新塘一

口

東蒙下鄉舊塘四口陂塘三口舊堰一座新堰二座

清溪鄉舊堰二座新堰一座

東蒙上鄉舊塘二口陂塘一口舊堰六座新塘一口

安仁鄉舊塘十二口陂塘三口新塘一口新堰四座

清流鄉舊塘十二口新堰三座新塘一口

龍池鄉舊塘二口舊堰四座新塘八口

普寧鄉舊塘二口陂塘四口舊堰二座新堰一座

紫雲鄉舊塘三口舊堰二座新塘二口

進寶鄉舊塘三口新塘七口新堰一座

按塘堰所以備荒旱也健邑田土雖多山澗不無資於

水利自明末甲申以後田卒汗萊廢壞者多目今生聚

日廣荒蕪盡闢所有陂塘舊址修復無遺矣

### 古蹟

健爲故城在縣東南十五里後周時置

按元和志本漢南  
安縣地周於此置  
沉岸郡并立武陽縣隋開皇三年廢郡改縣曰健爲屬  
戎州前上元二年割屬嘉州縣西北至州一百五十六  
里寰宇記縣在州東南一百二十里舊志大鹿山下武  
陽故城晉天福元年豫叛移於大江西岸南臨大江宋  
志大中祥符四年徙治慈井鎮舊志宋  
徙治玉津鎮明初復還故治卽今治也

玉津廢縣在縣北六十里大江之濱卽漢時得玉磬處按左

思蜀都賦云東越玉津隋末始置縣元和志縣西北至嘉州三十九里本漢南安縣地李雄據蜀時夷獠自牂牁入居焉大業十一年於此置玉津縣有玉津鎮在城中以江有壁玉津爲名又九域志乾德四年省爲鎮入

健爲名健爲壩又曰龍池壩

沉犀故城在縣東南十五里後周時於此置沉犀郡江濱

舊有沉犀亭今無存

旭川舊治在縣東一百里地名三江鎮誌云古旭川縣地

考通志榮縣亦名旭川或旭川舊屬榮州故爾得名耶

資通志官廢縣在縣東五十里地名金石井東晉時置按宋

志健爲郡領治官縣義熙十年置蕭齊因之後廢隋復置元和志謂之資官縣本漢南安縣地大業十一年屬

健爲郡後誤以治爲咨也武德元年屬嘉州貞觀六年改屬榮州縣東南至州九十里其後又誤以咨爲資曰

資官縣元省入健爲

應寧通志廢縣在縣東北七十里地名金山寺縣署學宮

作靈基址尚存有浮屠屹立亦佳山水也隋置曰大牢屬資州仁壽初山獠猖

獠以衛文昇爲資州刺史到官獠方攻大牢鎮文昇單騎諭降之卽此唐屬榮州元和志在州東北一百五十

里本漢南安縣地開皇十年於此置大牢鎮十三年改鎮爲縣縣界有大牢溪故名天寶元年改曰應寧宋因

之元省入榮州今爲健爲縣地

李峩峩曰余按歷代縣治遷徙無常然沿革雖殊疆域

匪異舊志於健爲沉犀故城缺而弗書其他玉津資觀

等舊址亦載而不詳今考據通志諸書備載如右俾考

古者無遺恨於殘缺云 又按榮縣志亦載資觀應寧兩廢縣蓋改革之後以其地分屬

兩縣故彼此互載非強為推拾也

金蟾洞在金蟾寺之前祥符己未升霞子題迎仙洞

拱北洞在縣北五里漢張綱遺址宋邑宰左震顏其額曰

文紀洞

牟羅齋 一名牟羅寨昔人嘗避兵於此 在縣東北五十里相傳宋時牟羅

二先生讀書於此今為佛場四圍陡絕前後二徑鳥道

一線上有水田數十畝誠勝致云

沈犀洞在沉犀山上懸赤壁下湧清泉宋高士王叔倫居

其左倫善書

邵伯溫故宅在翠屏山一名安樂窰明成化中建資聖寺

嘉靖閒邑令盧鳳儀于寺右為邵子祠崇禎末遭獻賊

之亂燬于兵乾隆八年邑令宋錦率紳士捐俸重建祠

成致祭並命僧看守酌分常住田租為補葺祭祀之費

月石在縣北六十里有石如月形上書白崖蒼月四字

興文樓在學宮內宋邑令左震建今無存

化龍臺在石馬關右 明邑令侯廷佩有詩刻于上

三塊石在縣南五里黃花冲有宋邵博與妹夫進士朱虛

及妹花生墓在焉

三聖石在三聖驛有眉山蘇東坡與弟子由艤舟遊處題

小絕於崖

三大營基在舞鳳山後康熙十九年吳藩不靖敘馬對拒  
王師雲集繕營此地聯絡三墩壁壘森然今壕塹猶存

鐵蛇在縣北六十里大江之右懸崖峭壁上有石笋翹然

特出如蛇形

相傳作崇寧人為雷擊  
去其首今其身猶存

待舟亭在縣北五里大江右

乾隆開邑  
令宋錦建

風竹亭在察院公廡內明學使勞公有風竹亭詩知州郭

衛宸顏曰獨坐亭竝題聯云高山流水懷他石勁節清

風愧此君今無存

魁星樓在城東魁星門上

明邑令胡學  
戴建今無存

子雲亭在子雲山亭右有洞石牀丹竈森然臚列依稀一

仙境也王叔倫書大儒不文下筆動九天之風雨大將

不武揮戈掃萬里之烟塵於洞石壁題曰子雲仙境乾

隆開邑令宋錦率眾重修

朝峨洞在縣北六十里四望溪之右峭壁凌空寒潭映月

修真之士多憇於此孝廉楊葢有記

萬花春谷洞在茗雲山北十里許與三峨相對邑人劉頴

寄趙正學吏部有詩云憶昔茗峨峰上峰人在萬花春

谷中泉瀆珍珠聲漸漸水流太極光溶溶舉足方行三

兩步仰面雲開千萬重嵯峨天外遙相見吾將抱月出

峨東

八景

沈犀秋月

在城東

龍池春漲

在城西

雲亭曉烟

在城南二十五里大江之右即楊子雲遺址

金粟秋芳

在城北五十里

鳳巢梧崗

在城北三里

聖泉漱玉

在城西一里

清溪漁唱

在城西十五里

孝渡流清

在城東南二十里即淑先雄棲神處

坊表

少卿坊在城南為太僕少卿趙時建

孝女坊在孝女渡為漢淑先雄建

明邑令吳道美暨今毀

名墓

張綱墓在城北五里張綱山

按蜀總誌載綱墓在眉州彭山縣嵎嵎山未知孰是

邵博墓

博為西川制置司參議卒葬縣南五里黃花冲碑為農人所毀

陳天佑墓在縣南門外有墓表

康熙年間督學陸榮登建

李孝峯曰余按邵博康節之孫伯溫之子舊志以博字

伯溫者非也康節精於數學知天下將亂嘗語伯溫云

他日有事蜀可居也宣和末伯溫使蜀盡室以行僑寓

犍邑獲免於難通志載邵伯溫故宅在翠屏山又載城

南五里有邵博墓則父子同居于犍無疑也余既正其

失復備述之以告來者邵伯溫字子文康節子初為成都路提點刑獄賊史斌犯劍門

伯溫與帥臣盧法原合謀固守賊不得入事聞陞利州節孫伯溫子為西川制置司又嘗代成都帥其帥成都

檄畧云帥為成都三年矣環百城之境無風塵草竊之虞朝廷察焉故當更而仍留尺寸之功帥未嘗自列也

帥之心亦可見矣以天之道社稷之靈朝廷奠安異時論保蜀之功帥將以將士之名次第上之不自有焉其

或有不以帥之言為用者罰不敢私云云卒葬犍為城南

犍為縣誌 卷之二

建設誌

公署

關驛

城池

街道

鄉甲

倉場

舖舍

國家創制立規必示可久凡以臨民出治作養人材非第

壯觀也然有天造地設母容人力參者亦有裁成輔相以

左右乎民者犍為古漢郡前人之畫周矣因時修葺是在

當事者倘憚勞費而置之不講傾圯大造勞費不愈多乎

作建設誌

公署

縣治枕舞鳳山接牛心山來脉南面而治明洪武初年主

簿陳興創立成化間知縣錢承德重修大堂三楹庫房一



楹贊政廳一楹後爲思補堂知縣周慶地重修堂東爲庫  
繼因卑隘不便防衛稍次於后甃以磚石緣以墻垣堅固  
高燥可保無虞又後爲知縣解大廳三楹樓三楹耳房左  
右各三楹東爲主簿廨西爲典史廨六房東西各五楹中  
道暨戒石坊前爲儀門門之東爲迎賓館館右爲臨官祠  
知縣吳道美重修門之西爲獄門康熙間知縣王追驟復  
建儀門中出爲大門譙樓門外有總鋪東有旌善陰陽二  
亭西有申明醫學二亭面暨坊表知縣周慶地顏曰漢郡  
名區左右二坊知縣吳道美題曰敬信節愛知縣胡學載  
於大門內暨徵收局十楹大堂前郵亭三楹署內點易齋

一所注玩易圖說甲申後僅存大堂譙樓二層磚庫一楹  
國朝康熙六年知縣劉靖寰改譙樓爲平門取居高御卑之義

於大堂前左右各建四楹爲六房所於戒石坊前建儀門  
三楹大堂後建思補堂二楹又後築高臺建燕居堂三楹  
左右各建廂房三楹三十九年知縣董世德復建朝暉堂  
三楹於思補堂後兩廂各建書房二間平去磚庫就其基  
建平房三間其六房所漸次頽毀康熙五十三年知縣宜  
思榮復建又於甬道兩旁各建皂隸房一間大堂年久將  
圯知縣何源溥捐俸培補知縣宋錦重修抱廳

典史解舊毀康熙初年典史秦光明於縣堂西去十餘丈

建典史廳三楹廳後內室三楹康熙二十四年典史吳

士貞建川堂一楹五十三年典史金士榮於川堂西關

基建草亭三間乾隆開典史王良輔修廳門一座後堂三間虛懷仁修穿廊二間班房四間

主簿廳奉裁無解其基在縣堂東今為民居

察院在縣之東街今廢

布政司在縣東街今廢

僧會司在縣西一里資聖寺

演武場在縣東北錦江岍

### 關驛

按關以禦暴驛以傳命皆王制所竝重也隄邑在往時

稱煩劇人烟輻輳賓旅接踵故邑舊有巡司二驛丞三遺

址尚存今雖遠不逮古而建設所載不敢湮沒竝書以俟

沉犀驛在縣東未設

石馬關在縣北三十里有石馬蹲踞下卽化龍臺石未設

三聖驛在縣北六十里有三聖石明邑令高紳候廷佩俱有詩未設

四望關在縣北七十里未設

下壩驛在縣南三十里未設

### 城池

明洪武初三簿陳興築土城久而傾圮成化間知縣錢承

德復築倍高覆以瓦久而亦圯正德間知縣李文壁改砌

石城郡人給諫安磐記嘉靖間主簿王世淵重加女牆惜  
東面近江處每歲水漲衝塌嘉靖丁未尤甚知縣葉履謙  
加意修砌掘地三尺累石平隄而後引繩廣深堅固周圍  
八百丈高一丈五尺馬道六尺城濠深三尺濶五尺青神  
余承勲記萬曆癸卯猛水又復衝塌知縣鄧全性雖經修  
砌石塊單薄卑隘日甚崇貞間知縣胡學戴奉旨繕治城  
隍詳請院道各照原額丁糧均派加高三尺增厚二尺馬  
道八尺石以三尺五寸爲式城門十曰東門魁星門南門  
西門北門小北門新開門火星門管驛門犀江門工竣於  
東門建樓一座魁星門建風雲閣八面玲瓏刻名人詩賦  
物力繁重不無有待也

街道

其上辰三峨而襟錦江頗有黃鶴岳陽之觀自明末兵燹  
頻仍樓閣灰燼城垣非舊當事亦屢思修復但計工估費

縣前街

正南街

正北街

東街

西街

大什字街

小什字街

有古石幢上刻尊勝陀羅尼宋熙寧建

儒學街

文林街

忠孝街

館驛街

分司街

斗母街 今廢

米井街

邑令米民葬於天啟元年因奢會作飯築門防禦於此街鑿井通泉

新開街

明萬曆三十九年邑令黎儀開四十五年邑令吳道美招集流移居住成市

新什字街

魁星街

察院街

龍池街

鄉甲

按犍為自明洪武九年以縣屬州編甲立鄉曰開遠安仁東蒙下清溪東蒙上清流龍池普寧成化間增紫雲正德間增進寶共十鄉一鄉分爲十甲緣崇貞末年張獻忠屠害凶疫相繼十室九空

國朝定鼎休養生息載在版圖而戶口不能復額初年僅彙上

下二里邇年又增中里而鄉名未復

開遠鄉

在縣東一十五里

安仁鄉

在縣東北九十里

東蒙下鄉

在縣東南五十里

清溪鄉

在縣南二里

東蒙上鄉

在縣東南十里

清流鄉

在縣東北七十里

龍池鄉

在縣北一百里

普寧鄉

在縣北八十里

紫雲鄉

在城南十五里

進寶鄉

在縣東北二十里

余光祖曰古昔盛時王者取士於鄉又曰觀於鄉而知王道之易易也凡以由鄉而縣不獨化行有自抑且察姦宄育人材犍為今雖不逮古遠甚而鄉名亦當酌復

庶不失古立鄉甲之義茲考十鄉惟清流安仁龍池尚存其名普寧則更爲泉水西壩乾水礮清溪則更爲河左河右開遠則更爲大坡三溪東蒙上下則更爲杜吳响灘等名俱瓊屑錯亂紫雲進寶則舊係清溪開遠分出也犍爲更有爲厲於民者新招楚民不論東西南北入籍何處揔立爲一里曰新里與本籍民爭訟輒推一首棍斂錢以費近已積至數百餘戶其作奸犯科比隣土著不得過而問焉此於嚴查保甲之意實爲背謬是望循良父母急爲釐剔而歸入各鄉甲也因併誌之

### 倉場

預備倉在縣治東北 今無存  
常平倉在縣署儀門之西新捐監穀倉俱在縣署內

### 舖舍

迎恩 三溪 羅城 南陽 以上在東

楊柳 孝女 下壩 賴里 以上在南

石板 老馬 以上在西 縣門 石洞

淨江 石馬 杏壩 新窩 三聖

吟峨 紅巖 以上在北 磨池 三江

馬踏 以上在東北 榮

### 津渡

費家渡 邑治北通開遠鄉永通厥一路

沙灣渡 邑東南通榮縣

孝女渡 邑南二十里古通宜賓

清溪渡 邑南十五里

象鼻渡 邑北二十里古通嘉定今未設

按犍爲上達州郡下通叙馬水陸衝繁遞送絡繹古舖俱

涉大江今緣人烟寥落舟楫未備上路改由淨江象鼻神

塘西壩老木孔至嘉定南門過渡下路改由清溪木溪龍

溪至宜賓界亦因時變通之法也但道險且荒故文移多

滯或宜再加斟酌焉

橋梁

翔鳳橋 卽古烏羊橋在縣北一里

三江橋 在縣東一百里三江鎮古旭川縣也橋屢修屢圮遠重慶陸路也夏秋水發往來甚苦量時修造不無望於世之有力者

沙溪橋 在縣東北九十里

貢舉橋 在縣南十里

二氏橋 在縣南六里 女思橋 縣南一里淑先雄思親於此故名

槐鳳橋 在縣東南七十里

迎恩橋 在縣東十五里

天生橋 在縣西二里

大石橋 在縣東五十里

王村橋 在縣東北七十里

新窩橋 在縣北四十里

應寧橋 在縣東北七十里 卽古應寧舊縣

市集

柴市

縣治前  
並江邊

魚市

在小什字  
石柱子

米市

在大  
什字

磁器市

在新  
開街

雜貨市

在大什  
字下街

菜市

在魁星  
門河下

靛市

在屏  
江門

竹篾市

在清  
溪鎮

東門上場

南門下場

清溪場

百枝溪場

下壩場

賴里壩場

石板溪場

大井壩場

鐵爐寺場

新街場

蔡金場

泉水場

清水塘場

三江鎮場

馬踏井場

四望溪場

即四  
方壩

西壩場

望牛垵場

杜吳場

羅城村場

麻柳場

王村場

敖家場

瘦壩場

邁東場

柞古城場

油花溪場

新  
集

五雲場

新  
集

蓋自神農日中為市懋遷有無所以通商便民而裕國稅

也郡邑爲市鄉村則爲集爲場爲墟南北土俗稱名各異  
按鍵誌市場頗多遭明季屠戮生聚數十年尚不能如舊  
邇來漸次興復日有起色生逢 盛世優游太平當不患  
繁華富庶獨讓在時也余光祖識

寺

資聖寺

縣西一里卽大定山有聖泉故名資聖古設僧會司於此

寺建於明成化間甲

申後獨存大雄天王二殿寺僧悟坤性元清華康熙元年  
自別郡歸開除榛莽重葺殿宇左右建僧舍各三間暨大  
定山坊稍復舊觀歷數十年任持無人復就摧頽五十九  
年有僧智廣募衆補造叢林復盛常任田亦清理如舊

真覺寺

在清溪之右爲鍵名利明末將頽敗行脚僧隱波率徒來此重加修補每歲說戒於其中

圓覺寺

高峰寺

石福寺

中峰寺

茅坪寺

雲谷寺

金田寺

葱雲寺

觀音寺

龍洞寺

彌陀寺

以上在東景星寺

三教寺

鉢盂寺

寶乘寺

興隆寺

回龍寺

龍吟寺

碾陀寺

鐵爐寺

魚柵寺

金龍寺

興教寺

冰月寺 以上俱在南

大巖寺

福田寺

普賢寺

石羊寺

圓通寺

正覺寺

泉水寺

白雲寺

寶光寺

九龍寺

永興寺

天寧寺



普通寺 金相寺 玉磬寺 雲龍寺

黃角寺 行僧慧印創建 寶印寺 普照寺 僧妙功重定

崇福寺 竹山寺 大灣寺 諸天寺

道林寺 龍王寺 隆興寺 菩提寺

金山寺 在應寧明季毀康熙二十一年僧真蘊同老人楊一珮募眾重建規制尚未全復

安子寺 吟峨寺 儀鳳寺 回龍寺 以上俱東北

菴堂

巨羅菴 內有古洞司李聶棧重建 興隆寺 義民韓熙新建

白衣菴 在城西北明訓導李廷彥建知縣胡公學戴重修年久頽毀康熙五十三年武舉余廷柱率眾重建

白雲菴 觀音堂 陳家菴 明鐵簡陳道人修煉處

觀 宮閣附

真武觀 城西龍角池今為三教觀 玉皇觀 縣南一十五里

東嶽觀 縣南三十里下壩 鐵山觀 縣東六十里金石井界

青山觀 縣北五十里舊屬榮州名集賢院上有牟羅殘碑今各牟羅寨

金山觀 在縣東北七十里應寧舊縣界 斗母閣 城西南隅御史趙楷建今無存

文昌宮 在縣東北七十里應寧舊縣康熙年間進士余光祖率眾創建

壇廟 祠附

社稷壇 城北一里 山川壇 城西一里

邑厲壇 城北一里

城隍廟 西街知縣周慶地重修知縣吳道美捐祭田歷久漸頽知縣宜思榮督眾重修

關帝廟

城北關外明邑令侯廷佩建吳道美重修火於兵  
康熙二十四年重建規模卑隘材木弗稱五十三

年邑令宜思榮督  
眾改建煥然一新

花將軍廟

縣東花敬定討賊有功  
民間立祠祀之今毀

東嶽廟

縣北舞鳳山即古  
鳥羊觀詳舞鳳山

忠孝祠

城東門靖侯龐統祠也俗名白馬廟以  
侯忠漢顯靈立廟祀之今遺址猶存

文昌祠

一在城南學前今毀一在管驛門康熙六十年武  
舉余廷治庠生康洪德等募眾鼎建邑侯何公源

溥邑尉金公士榮捐俸培修樓閣聳特為  
邑巨觀進士余光祖顏其額曰孝友神聖

邵子祠

縣西資聖寺以邵博嘗居此舊有祠今  
毀乾隆十一年邑令宋錦萃紳士重建

蕭公祠

縣北五里大  
江之左今毀

孝女祠

縣南二十里大江之右祀漢孝女淑先惟明邑令  
吳道美募工重建監漢孝女坊明末圯廢乾隆

邑令宋錦倡  
捐重建祠

蕭公祠

城內清溪鎮俱  
有雍正開創建

禹王廟

城內清溪鎮俱  
有乾隆初創建

三聖祠

城內清溪鎮俱  
有乾隆開重建

李峩峩曰城東一隅舊無多廟惟漢靖侯一祠已為灰

燼雍正閒始有蕭公禹王二祠乾隆十年邑人又即靖

侯故址為三聖祠合祀川主藥王于其中東門一隅始

為廟叢矣

余嘗謂自伏羲神農黃帝堯舜以來聖君賢  
臣名人大儒凡有功德于後世者天下之人

皆當廟以祀之而人多不為之也吾鄉人之所祀者曰  
川主土主藥王三聖然稱名事蹟人多不曉其知之者

又各執所見聚訟不休余嘗取而剖析之其謂川主者有三一曰李冰也是嘗治水以利民者也一曰趙昱也是嘗斬蛟以除害者也一曰冰之子二郎也灌口之役二郎實助成之余謂趙之事奇而功在當時李之事常而功及後世取其常而久之者冰宜祀至二郎于冰父子也冰為蜀郡太守修陂池導江水灌溉千里史有明文二郎奉命治水不無微勞然人子有善則歸視無可相抗之理二郎有知當退遜而不居焉其謂土主者吾亦不知其何謂或即以龐統當之夫統非土神也當日統從昭烈入蜀攻城為流矢所中即死于落鳳坡土主之名其何以附但統之才雖不及孔明而伏龍鳳雛實與諸葛同稱以死勤王于法當祀况其地為靖侯故廟祀冰而不祀統則為強賓奪主非理也故宜並祀而不必奉以土主之名至于藥王或曰孫思邈也降龍伏虎人多談之然自黃帝以下源流實繁祀其小而遺其大可乎若祀黃帝則黃帝君也又不可與冰等同列今但當謂之為藥王而已不必定其為誰也

城西關帝廟 在翠屏山捐貢余祀祖建

于孝子祠 縣南二十里清溪鎮今毀

列女祠 南門外祀李射峨今毀

川主祠 城東火星門秦太守李冰治水有功民間立廟祀之康熙六十年士民重建

楊子雲祠 子雲山雄嘗遊此有祠

止水祠 縣北三十里杏壩黃角壩明邑令胡學戴建今毀

按祠廟寺觀不載祀典者例不入誌然先王以神道設教釋迦化行中土歷有年所警頑醒愚亦足補王化之所不逮故仍前軌備書以俟

漏澤園在縣北門外 明邑侯胡學戴捐俸新置一區王簿郭名登買一區康熙年間舉人余輝

祖置買一區有碑記